

stehet/ Das Land ward stille vierzig Jahr. Vor acht tagen hats  
ten wir Pauli bekehrung/ vnd wurde dieselbige zu Mittage ers  
kleret: Was war Saulus anders/ als ein Sturmwind/ der  
auff dem Wege daher gieng/ vnd auff Damascum zustieß/ vnd  
wolte wider alle rechtgleubigen gros Unglück anrichten/ wels  
chen bösen Wind vñ Wüterey/ der Text daselbst anzeyget/ mit  
dem Wörtlein Schnauben/ Saulus aber schnaubete noch mit  
drewen vnd morden. Aber der Man im heutigen Evangelio/  
der  $\text{H} \text{E} \text{R} \text{R}$  Jesus Christus/ bedrawete den Wind/ daß er sich les  
gen mußte/ vnd daß es still wurde.

Wir sollen  
den  $\text{H} \text{E} \text{R} \text{R}$   
Christū rüt  
eln vñ betē.  
Ion. 1.

1. Wider  
den bösen  
Wind vnd  
Feind den  
Teuffel.

2. Wider die  
von jm auff

Wir sollen nur herzu treten / ihn auffwecken vnd fleissig bes  
ten:  $\text{H} \text{E} \text{R} \text{R}$  stehe auff/ warumb schleffest du / Schaff du vns  
beystand in der Noth / wie die Jünger hie beten:  $\text{H} \text{E} \text{R} \text{R}$  hilf  
vns/ wir verderben / Vnd wie sie beten im Propheten Jona am  
1. cap. Ach  $\text{H} \text{E} \text{R} \text{R}$ / laß vns nicht verderben. Also sollen wir  
auch beten immerzu: Gott der Vater wohne vns bey/ vnd laß  
vns nicht verderben. Jesus Christus wohne vns bey/ vnd laß  
vns nicht verderben. Vnd sol ein jedes fleissig beten / wider den  
bösen Wind den Teuffel/ vnd wider alles/ was er austreibet vnd  
rege macht. Denn weyl der leidige Teuffel zu dieser letzten zeit/  
mehr vnd gewlicher wütet vnd tobet/ als zuvor nie/ vnd hat ei  
nen grossen Zorn / weyl er weiß/ daß er wenig zeit hat/ wie in der  
Offenbarung Johannis stehet am 12. cap. So sol ein Christ  
beten aus dem Propheten Zacharia am 3. cap. Increpet te  
Deus Satan, Der  $\text{H} \text{E} \text{R} \text{R}$  schelte dich du Sathan/ der  $\text{H} \text{E} \text{R} \text{R}$   
schelte dich / Ach  $\text{H} \text{E} \text{R} \text{R}$  laß den bösen Feind nicht also wüten  
vnd toben/ stewer vnd wehre seiner Tyranney vnd büberey/ bes  
hüte vns für seiner Bosheit/ list vnd betrug / laß vns nicht wers  
den wie Sodom vnd Gomorrha/ laß vns nicht dem Narren ein  
Spot werden.

Wider den Papst vnd alle Kottengeister vnd Schwermer/  
vnd Gott den  $\text{H} \text{E} \text{R} \text{R}$ en herzlich anrufen/  
Schilt